



Debora Kleist
Inatsisartunut ilaasortaq, Inuit Ataqatigiit

**Nuummi Eqqumiitsuliornermik Ilinniarfimmi pissutsit pillugit § 37 naapertorlugu
apeqqummut akissut**

07-08-2017
Suliaq nr. 2017-1991
Allakkat nr. 5858009
Postboks 1029
3900 Nuuk
Oqarasuaat: +299 34 50 00
Fax.:+299 32 20 73
Email: ikiin@nanoq.gl
www.nanoq.gl

Asasara Debora Kleist,

Inatsisartut suleriaasiat naapertorlugu Eqqumiitsuliornermik Ilinniarfimmut atatillugu apeqqutigisannut qujanaq. Apeqqutitit matuma kinguliini akissavakka.

**1. Eqqumiitsuliornermik ilinniarfimmi naammasisartut qanoq ullumikkut
amerlatigaat?**

Akissut: eqqumiitsuliornermik Ilinniarfimmi ukioq manna juunimi ilinniartut 3-t naammassipput. Ukiup ingerlanerani ilinniartoq ataaseq taamaatissimavoq ataaserlu orloveqarluni. 2012-imut 2016-imut Eqqumiitsuliornermik Ilinniarfimmi ilinniartuu-sarsimasut tamangajammik naammassisarsimapput.

Ukioq manna septembarimi ilinniartut nutaat 5-it Eqqumiitsuliornermik Ilinniarfimmi ilinnialissapput.

**2. Ilinniartunngorusullutik qinnuteqartartut ukiumut qassiuppat?
Taakkunannga qassit tiguneqartarpot?**

Akissut: Eqqumiitsuliornermik Ilinniarfimmi ukiumi ilinniarfiusussami ilinniartunngorniarlutik qinnuteqartartut agguaqatigiissillugu 15-it 18-inillu akornanniittarput.

Ukiumi ilinniarfiusumi ataatsimi ilinniartut tallimat tiguneqarsinnaapput. Ukiut ingerlanerini tallimanik allanngujuitsumik ilinniartoqartarsimavoq.

Qinnuteqartunit ilinniartunngornissamut piumasaqaatit naapertorlugit piukkunnarnerpaat tallimat ilinniartutigineqalersarput. Qinnuteqartut ilusilersuinnarlugu titartakkanik titartakkaminnillu allanik 15-inik nalilersugassanik atuarfimmut nassitsissapput. Nassiunneqartut tunniunneqartullu aallaavigalugit ilinniartussat ataasiakkaat atuarfimmait isummerfigineqartarpot.

Eqqumiitsuliornermut Ilinniarfimmi ilinniartunngorsinnaassagaanni qinnuteqartut 18-ileereersimasariaqarput.

3. Tiguneqanngitsoortut sumik peqquteqartarpal/tunngaveqartarpal?

Akissut: Qinnuteqartut ilinniartunngorsinnaanissamut piumasaqaatinik naammassis-nissimangitsut tiguneqanngitsoornermut patsisaanerpaasarpal. Tassa imaappoq nalilersuinermi atortussat atuarfimmut tunniunneqarsimasut ilinniartunngorsinnaanissamut tunngaviunerpaaasarpal.

Pissutsilli imaasisinnaasarpal qinnuteqartunit tallimanit amerlanerusut ilinniartunngorsinnaanissaminnut piukkunnaateqarsinnaasarlutik. Taamatut pisoqaraangat illinnialer-sinnaanissamut piukkunnaatillit akornanni kikkut ilinniartunngussanersut illinniarfiup naliliinera aalajangiisuuersarpooq.

4. Ilinniartuitigineqartartut eqqarsaatigalugit ilinniarfik naammattumik inissaqartitsillunilu periarfissaqartitsiva?

Akissut: Eqqumiitsuliornermut Ilinniarfiup John Møllers Vej-imi massakkut inigisai ullutsinni piumasaqaataasunut naleqqutinngillat. Massakkut Eqqumiitsuliornermik Ilinniarfiusumi inissaq annertuumillu suliaqarsinnaanissamut inissat mikivallaarput siunissamilu aaqqiiffingineqartariaqarlutik.

Atuarfimmi Inissaaleqisitsineq taaneqartoq aammalu illu iluata silaannalunnera pissutigalugit suliat allamut nuunneqarsinnaanissaat pilersaarutaavoq.

Taamaattumik ilinniarfik Ilinniartitaanermut Naalakkersuisoqarfik peqatigalugu inissanik ullutsinnut naleqqunnerusunik anginerusunillu attartugassarsiuleruttorpoq, massakkulli inigineqartut taartissanik ininik naleqquttunik piukkunnartunillu maannamat nassaarto-qarsimangilaq.

Eqqumiitsuliornermut Ilinniarfiup nutaanik initaarsinnaanissaanik ujaasineq suli ingerlavoq, taamaasilluni Eqqumiitsuliornermut Ilinniarfik ininut pitsaanerusunut naleqqunnerusunullu nuunneqarsinnaaqqullugu.

5. Naalakkersuisut pilersaaruteqarnerlutik eqqumiitsuliornermik ilinniarfimmut qinnuteqartartut amerlanerpaat tiguneqartarnissat anguniarlugu? Ullumikku-mut naleqqusaaniarluni init ilinniartitsiviusartut annertusarneqarlutillu amerlineqarnissaanut?

Akissut: Ukiumut ilinniartunngortartut 5-init amerlanerulersissinnaanissaat periarfissaqarpoq, ukiumut ilinniartunngortartunit 5-iusrunit ilinniartunngorsinnaanissamut killiliussanit taamaasillutilu piukkunnaatillit 50%-imik amerlanerusarmata.

Massakkulli inissaq eqqarsaatigalugu 5-init amerlanerusunik ilinniartoqarsinnaanissaq periarfissaqangilaq. Amerlanerusunik ilinniartoqartalissappat inissat annertuneru-sariaqarput taamalu kingorna Eqqumiitsuliornermut Ilinniarfimmut ukiumut aningaasaliissutaasartut aaqtigalugit ilinniartitsisuusartussat naleqqussarneqar-tariaqassallutik.

Taamaattumik Naalakkersuisut massakkut pissutsit tassalu Eqqumiitsuliornermut Ilinniarfimmi inissaalatsineq aammalu init silaannalunneri salliutillugit aaqqiiffingine-

qarnissaat sulissutigeeqqaarniarpaat. Ilinniarfimmi inissat pitsaanerullutillu anginerusut pissarsiarineqarpata ilinniarfimmi ilinniartunngortartut amerlineqarsinnaalissapput.

Inussiarnersumik inuulluaqqusillunga

Doris J. Jensen